



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Canticis. IX.

**urn:nbn:de:hbz:466:1-39775**

ctorem id afferere potuisse. Quae vero ex Cassiano in sui confirmationem adduxit Lordinus, illi potius aduersantur; cum ex ipso Cassiani Textu Alardus Gazaeus in suis Commentariis ad ea, ut s. 1 b. 2. evidenter ostendat, Monachos quidem, qui alios psallentes audiebant sedisse, eos vero, qui psallent, stetisse. Quod si quis opponat ex eodem loco, & cap. 12. Monachos illos non stantes, sed sedentes Psalmiodiam celebrasse, responsio ex eodem in promptu est, Monachos illos non recitasse quidem Psalmos, sed solummodo unicum Psallentem auscultasse,

& ut in Textu dicti Capitis §. habetur: In Psallentis verba omni cordis intentione defixi stetisse; ita ex hoc Textu utrumque habetur, & Psallentem stetisse, & non psallentes con-sedisse. Ex hoc ritu autem idem Gazaeus ortam esse consuetudinem, ut qui legit Sacram Scripturam, Sanctorum Vitas, Martyrologium, Capitula, aut Collectas, & alia hujusmodi, ipse quidem Lector stando legat, ceteri sedentes auscultent. De non sedendo ad opus Dei integrum edidit Petrus Damiani opusculum, quod curiosus Lector consulere poterit.

## De Canticis. XXIII.

R U B R I C A.

- 1 **C**antica dicuntur in Officio de Tempore, tam de Dominicis, quam Feriis, ad Laudes, Vesperas, & Completorium ut in Psalterio distribuuntur.
- 2 **I**n Festis & Tempore Paschali, ad Laudes semper dicitur Canticum Benedicite, ut in Dominica; & in fine ejus non dicitur Gloria Patri, sicut in aliis Cantibus dicitur, nec respondetur, Amen. Alia Cantica feriales; ut in Psalterio, ad Laudes non dicuntur, nisi quando fit Officium de Feria extra tempus Paschale.
- 3 **C**

## Novaæ Observations, & Additiones ad Gavanti

Cap. IX. De Canticis.

I. Gavant. pag. 61. col. 2. n. 1. -- **Canticum est vox musica cum harmonia ore solo pro-lata &c.**) Orthodoxi patres Hilarius, Chrysostomus, & Euthymius in prefat. Psalmorum, necnon Basilius in Psalm. 29. Cantica distinguunt a Psalmis, per hoc, quod Psalmus sermo musicus quidem sit, qui secundum harmonia rationem ad Organum pulsari, & simul cantari solet. Canticum vero est, cum Cantorum Chorus libertate sua utens, nec in consonum Organi adstrictus obsequium solius vocis modulatione exultat. Quando autem cum Organo pra-

cinente Cantoris vox instrumenti emulatrix subsequitur, Canticum Psalmi nun-cupatur. Cum autem humana voce incipiente Organi sonus pari suavitate vocis modulos imitatur, Psalmus Cantici vocari consuevit, ita Cardinalis Bona de Divina Psalmodia cap. 16. §. 12.

II. Gavant. eod. n. 1. -- **Canticum gratiarum actionem significat &c.**) Omnia Cantica composita suisse ad persolvendas Deo grates pro insigni aliquo, & speciali beneficio, affirmant Riccardus Victorinus lib. 4. in Apo. alypsim cap. 6. Rupertus in Prog. Can-



*Canticorum.* Verum alii Auctores observant, multiplicem fuisse Canticorum materiam. Aliquando fuit gratulatoria, ut in Canto Moysis post transiit Maris Rubri, in Canto Debore post interfectum Sisaram, in Canto Judith post necem Holofernisi, & in Canto, quod tres Pueri liberati ab incendio fornacis Babylonicae cecinerunt; hujusmodi tamen Cantica Eucharistica etiam dici possunt. Rursus materia Canticorum fuit etiam prophetica, ut in Canticis Isaiae, & Habacuc; fuit item invictiva, ut in Canto, quod cecinit Moyses coram filiis Israël, quando invocavit contra ipsos Cœlum, & Terram. Hæc omnia confirmat Card. Bona loc. cit. auctoritate Ambrosii lib. 6. in *Lucam.*

III. Gavant. pag. 61. col. 2. n. 2. -- *Septem Canica ex Sacris Literis habentur in Breviario Romano &c.)* Quamvis multa sint Cantica, que in Sacris paginis leguntur, Ecclesia tamen Romana plura non admittit in suo Breviario, quam septem ex veteri,

& alia tria ex novo Testamento, allegata à Gavanto hoc loco.

Cantica, quæ psallit Ecclesia Romana, secundum utramque editionem, & veterem ex LXX. Interpretibus, & vulgatam ex B. Hieronymo Presbytero, edidit Cardinalis Thomasius simul cum Psalterio Anno 1697. doctoque Commentario illustravit. Idem Auctor jam evulgaverat Anno 1683. Canticorum Codices ex duplii item editione simul cum Psalterio, ad veterem Ecclesiasticam formam, ex antiquis MSS. exemplaribus digestos, de qua editione supra mentionem fecimus. Celeberrimum trium Puerorum Canticum, quod *Benedictiones* nostri appellavere Majores, evulgavit præfato Anno 1683. juxta exemplar veterissimi Psalterii quadratis literis supra nonagesimos Annos (ut arbitratur) scripti, quod servabatur in Bibliotheca Reginæ Sveciæ, ex quo etiam depropulsit, & typis commisit antiquam editionem Canticorum Ezechiae, & Annae.

## De Versibus. XXIV.

### R U B R I C A.

- 1 *Versus semper dicantur ad Matutinum post ultimum Psalmum, & Antiphonam Nocturnorum; sive in Officio dicantur tres Nocturni, sive unus. Ad Laudes, & Vesperas Versus dicitur post Hymnum: ad Horas dicitur in Responsorio brevi post repetitionem partis Responsorii, dicto Gloria Patri.*
- 2 *In Pascha Resurrectionis, & per Octavam usque ad Vesperas Sabbati in Alibi exclusivè, in Nocturno tantum dicitur Versus, in aliis Horis non dicitur, ut ibidem.*
- 3 *Quando fit aliqua Commemoratio, semper post Antiphonam ejus, de quo fit Commemoratio, dicitur Versus, qui in ejus Officio ponitur post Hymnum Vesperarum, & Laudum, nisi aliter notetur.*
- 4 *Versibus predictis, tempore Paschali semper additur, Alleluja; non autem Versibus Precum, nec in: Pretiosa: ad Primam, neque in Versibus Responsiorum Matutini.*
- 5 *In Officio Festi trium Lectionum, post omnes Psalmos Feriales cum Antiphonis, dicitur Versus de Communi Sanctorum, hoc ordine: Feria ij. & v. v. primi Nocturni; Feria iij. & vij. v. secundi Nocturni: Feria iv. v. tertii Nocturni.*

Gavant. Rubr. Brev.

Z

6 Ver-



6 Versus positi in Psalterio ad Laudes, & Vesperas, semper dicuntur, quando alii proprii non assignantur in Proprio de Tempore.

## Novæ Observationes & Additiones ad Gavanti

### Cap. X. De Versibus.

Gavant. pag. 62. col. 2. n. 1. -- Vertebat se cantantes Versus ad Orientem, vel ad Altare &c.) Versus à vertendo dicitur, vel quia ab Officio Psalmorum ad Lectiones vertimur, vel quia, quando Versum audimus, faciem illico vertimus ad Altare, ut omnis cogitatio, quæ foras exivit per vagationem, revertatur ad Deum per devotam introversionem, ut loquitur Cardinalis Bona de Divina Psalmodia cap. 16. §. 13. Canitur autem Versus clara, & accita voce, inquit præfatus Cardinalis, ut eo auditio excitentur pigrī, & revertantur ad cor. Rursus cani-

tur Versus ab uno, vel duabus Cantoribus, juxta qualitatem Ritus, sub quo celebratur Officium, duplicis, vel semiduplicis, & canitur nomine totius cœtus; Chorus deinde junctis omnium vocibus respondet. Amalarius lib. 4. cap. 4. testatur, pluribus locis Versiculos post Lectiones fuisse decantatos, quod Responsiorum loco essent, sicut in minoribus Horis Versiculus post brevem Lectionem dicitur; postquam vero Versus præfui fuere Lectionibus, Responsoria composta sunt.

## De Absolutionibus, & Benedictionibus ante Lectiones. XXV.

### R U B R I C A.

- 1 **A**bsolutiones, & Benedictiones dicuntur per ordinem in Officio novem Lectionum ante Lectiones, ut in prima Dominica de Adventu ponuntur, scilicet: Post Versum, dicto Pater noster, Et ne nos, dicitur Absolutio, & Benedictiones, ut ibi praterquam in Matutinis tenebrarum majoris hebdomadæ, & in Officio Defundrum, in quibus Absolutio, & Benedictiones non dicuntur.
- 2 Si fiat Officium trium Lectionum, & sit de Feria, in qua singula tres Lectiones sunt de Scriptura, Absolutio, & Benedictiones sumuntur ex prima Dominica de Adventu, hoc ordine. Feria ij. & v. dicuntur Absolutio, & Benedictiones primi Nocturni: Feria iij. & vij. secundi Nocturni: Feria iv. & Sabbato tertii Nocturni.
- 3 Si autem singula tres Lectiones sint de Homilia super Evangelium, Absolutio dicitur secundum Ferias, ut supra; Benedictiones vero semper dicuntur ut in iij. Nocturno, scilicet, prima Benedicō erit: Evangelica lectio: secunda: Divinum auxilium: tercia: Ad societatem. Si sit de Sancto trium Lectionum, Absolutio dicitur secundum Ferias, ut supra; Benedictiones vero semper dicuntur ut in tertio Nocturno, hoc modo. Prima: Ille nos benedicat: secunda: Cujus, vel Quorum, vel Quarum Festum colimus: tercua: Ad societatem.
- 4 Quando sit Officium S. Mariae in Sabbato, Absolutio, & Benedictiones dicuntur, ut habentur in ejus Officio parvo circa finem Breviarii.

Novæ

